

Սանդար—Սաղախու երկաթուղազիծը, Ուլուխանլու գիծը: Յետոյ, նրանք յայտնեցին, որ բոլոր խոսվութիւնները տեղի են ունենում երկաթուղու մօտ երկաթուղային հաղորդակցութեան շուրջը... Նրանք կարծում էին, որ այս ամենը պատահական բան չէ, որ կան ինչ որ մութ տարրեր, որոնք առաջ են բերում այդ ամենը և դործում որոշ նպատակով, որպէսզի խանգարեն հաղորդակցութեան միջոցները, արգելք հանդիսանան ռազմաճակատի պաշտպանութեան, և որ այս բանում թէ՛ մահմետական ու հայ և թէ՛ ամբողջ Անդրկովկասի ազգաբնակչութիւնը դործիք է այդ մութ ուժերի ձեռքին... Երևանի նահանգի արևելեան մասը, ուր ազգաբնակչութիւնը խառն է, արդէն համարեա անծանօթ մի երկիր է. յայտնի չէ, թէ ինչ է կատարում այնտեղ. ոչ ոք ոչ մի լուր չի ստանում և այնտեղ մուտք գործելը բոլորովին անհնար է:

Միւս կողմից հայ հասարակութեան վիճակը չափազանց ծանր էր այնտեղ: Նախ, ինչպէս ձեզ յայտնի է, այնտեղ կազմակերպւում են հայկական զորամասեր, որոնք պէտք է ուղարկէին ռազմաճակատ: Այդ զորամասերը մի քանի շաբաթ սպասեցին ուղարկելու օրին: Որոշ մասեր առաջ շարժեցին, երկաթուղազիծի վրա, դիժն ու պահեստները պահպանելու համար: Եւ անա ստեղծւեց այնպիսի դրութիւն, որ անհնար էր ոչ ռազմաճակատ ուղարկել, ոչ էլ Շահթախթում, Դաւալում և, կարծեմ, Նախիջևանում կանգնած զորամասերին օգնութիւն հասցնել: Նրանք կտրուեցին իրարից և ո՛չ մի հնար չկար նրանց միջեւ կապ հաստատելու: Հայ զորամասերը չէին կարող հանդուրժել նման դրութիւն, չէին կարող հանդուրժել, որ շաբաթներով մնան նստած ու չկարողանան մեկնել ռազմաճակատ: Ինձ յայտնեցին հայ դործիչները, որ նրանք թափեցին ամէն ճիգ, որպէսզի գտնւած պահէն այդ զորամասերը. նրանք զգում են, որ մութ ուժերը դրդում են նրանց յարձակելու մահմետական բնակչութեան վրա: Ես տեսել եմ հայ զորամասերը թէ՛ յայտնող և թէ՛ ուրիշ տեղեր և պէտք է ասեմ, որ Երևանում նրանք բաւական կարգապահ են, բայց նրանց ա՛յս վիճակում պահելը կը լինի դրեթէ անհնար...

Մեր գլխաւոր նպատակն էր երկաթուղային հաղորդակցութեան վերականգնումը Ուլուխանլու և Զուլֆա կայարանների միջև: Մենք այդ չկարողացանք կատարել, որովհետև չկարողացանք անցնել այնտեղ: Մեր ստացած տեղեկութիւններով կամուրջներն ու գիծը այնտեղ բոլորովին փշացած են և եթէ մենք ուղենայինք դնալ, պէտք է մեզ հետ առնէինք շինւածանիւթերի մի ամբողջ գնացք, որպէսզի վերականգնէինք ճանապարհը: Մեզ ասում էին, թէ մեզ կը ձերբակալեն և թոյլ չեն տայ առաջ անցնելու: Պատուիրակութիւնը վերադարձաւ առանց որևէ բան անելու:

Աւելի մօտայլ պատկեր դժւար էր գծել: Երկու ժողովուրդներ՝ կոկորդ-կոկորդի՝ յօշոտում են միմեանց, իսկ երկրի կենտրոնական իշխանութիւնը դատարկ խօսքերից զատ ոչինչ չունի նրանց ասելիք: Այս պայմաններում մեծ պաղարիւնութիւն ու կամք պէտք էր տեղական գործիչներին՝ «մութ ուժերի» սաղբանքին չենթարկելու համար: Եւ դրա վրա էր հրաւիրում Կարճիկեանն իր գեկուցման վերջում՝ պատասխանելով միաժամանակ թուրք պատգամաւորների ազմկարար ու դրդուիչ ճառերին. «Ես մտնում եմ հայ ու մահմետական տեղական գործիչների դրութեան մէջ. այնտեղ հրդեհն արդէն սկսւած է, իսկ մենք չենք տալիս ոչ մի օգնութիւն և ոչ մի միջոց հանդցնելու համար այդ հրդեհը: Իայց, քաղաքացի պատգամաւորներ Անդրկովկասեան Սէյմի, մի՛ խանգարէք նրանց, թո՛յլ տւէք, որ նրանք իրենք հանդցնեն հրդեհը — մենք նրանց օգնել չենք կարող այժմ: Մի՛ հանէք փոթորիկ հրդեհի ժամանակ: Մենք չպէտք է կորցնենք մեր պաղարիւ-